



Azpeitiko Udala

AZPEITIKO KIROL-KLUBEK 2024-2025 DENBORALDIAN EGIN DITUZTEN AZTERKETA-MEDIKUETARAKO DIRULAGUNTZAK (25-36D - 1.B /2025KIKL)

Kirola interes publikoko gizarte-jarduera da, pertsonak bete betean prestatzeko eta garatzeko, bizi-kalitatea hobetzeko eta norbanakoak eta gizartea ondo izateko lagungarria.

Aginte publikoek, bere eskumen-esparruaren barruan, eskubide hori behar bezala gauzatzea bermatuko dute. Horretarako, burutuko duten kirol politikak, bestek beste, printzipio hauek izango ditu oinarrian; kirol-elkarteak bideratzea eta sustatzea, bai eta kirol arloko antolakuntza-egitura pribatuak onartzea eta babestea; lehiaketa-kirola bideratzea eta sustatzea (2/2023 Legea, martxoaren 30ekoa, Euskadiko Jarduera Fisikoaren eta Kirolarena) eta Udalak eskumen propioa du osasun publikoa sustatzea, kudeatzea defendatzea eta babestea, baita kirola eta kirol jarduerak antolatzeke eta sustatzeko ere (Euskadiko Toki Erakundeei buruzko apirilaren 7ko 2/2016 Legearen 17.1.10 eta 17.1.19 artikulua).

Azpeitiko Udalak 2025eko uztailaren 18ko Alkatetzaren Dekretuaren bidez 2025eko dirulaguntzen deialdia arautzen duten **oinarri arautzaileak** ezarri zituen, GAO-n uztailaren 24an argitaratuak, eta dirulaguntza horien artean Azpeitiko kirol-klubek 2024-2025 denboraldian/2025.urtean azterketa-medikoak egiteko dirulaguntza zuzenak jasotzen dira.

Dirulaguntza horien emakida 1.B. eranskinean jasotako oinarrietan arautzen da, eta horientzat konkurrentziazko emakida-prozedura aurreikusten da oinarrietan. Dirulaguntza hauen helburua kirol-modalitatea praktikatzeko patologiarik ez dagoela bermatzea edota kirolarien egoera fisikoa ezagutzea da, hala behar izan dutenentzat.

Eskaerak aurkezteko epean zazpi kirol-klubek dirulaguntza eskaerak jaso dira, eta 2024-2025 denboraldian/2025.urtean egindako azterketa-medikoen gastuak egiaztatzeke justifikazioa aurkeztu dute.

Kirol sailak eskaerak ebaluatu ditu oinarri arautzaileetan ezarritako balorazio-irizpideen arabera, eta ebaluazio-txostena aurkeztu du kirol batzordean. Bestalde, eskatzaileek dirulaguntzaren onuradun izateke baldintza guztiak betetzen dituztela bermatu da, zerga betebeharrak eta Gizarte Segurantzakoak barne.

Hori horrela, udal kirol-batzordeak 2025eko azaroaren 26n egindako ohiko bilkuran, oinarri arautzaileetan jasotako irizpideen baitan, ebazpen proposamena egin dio alkatetza honi.

Hala, dagokion aurrekontuan behar adinako kontsignazioa badagoela kontuan izanda 1.0500.481.341.00.02 2025 *Transf. arruntak Kirolak* partidan, eta eskumenari dagokionean Toki Erregimeneko Oinarriak arautzen dituen apirilaren 2ko 7/1985 Legearen 21.1.f) artikuluan dioena jarraituz, **ERABAKI DUT:**

Azpeitiko Kirol-klubek 2024-2025 denboraldian egin dituzten azterketa-medikuetarako 2025. ekitaldiko dirulaguntza deialdian aurkeztu diren eskaerak ebatzea, eta hurrengo taulan jasotako kopuruak **onartzea** eta **ordaintzea**, Kirol Batzordeak egindako ebazpen proposamenaren arabera.

Espedientea	Kirol-kluba	Udal dirulaguntza
-------------	-------------	-------------------



Azpeitiko Udala

KIKL0001	Iraurgi SB	1.840,95€
KIKL0003	Lagunonak TXE	175,33€
KIKL0008	Izarraitz IE	901,69€
KIKL0010	Lagunonak FT	1.415,15€
KIKL0012	Ikasberri KE	1.340,01€
KIKL0014	Arauntza Riders	300,56€
KIKL0019	Galaktik	26,30€
	GUZTIRA	6.000,00€

Laguntzen ordainketa 2025eko aurrekontuaren ondorengo gastu partidatik egingo da: 1.0500.481.341.00.02 2025 *Transf. arruntak Kirolak*.

Onuradunek beharrezkoa izango dute laguntzaren justifikazioa aurkeztea, **2026ko otsailaren 28a baino lehen**. Horretarako, jasotako funtsen aplikazioa justifikatzen duten agiriak aurkeztu beharko dituzte, dokumentu elektronikoak barne, egiaztapen- eta kontrol-jarduketan xede izan baitaitezke.

Alkatetzaren erabaki hau web orrian argitaratuko da eta baita Estatuko diru-laguntzen datu basean ere. Modu berean, argitaratzen den egunean bertan, Udalak abisu bat bidaliko die erakunde eskatzaile guztiei, posta elektronikoz, ebatzitako laguntzen berri emateko.

Erabaki hau behin betikoa da eta amaiera ematen dio administrazio bideari. Erabaki honen aurka, administrazio auzi errekurtsioa aurkez dezakete interesatuek zuzenean Donostiako administrazioarekiko auzietako epaitegian. Horretarako, bi hilabeteko epea dute, jakinarazpena jaso eta biharamunetik hasita. Hala ere, aukera dute horren aurretik berraztertzeko hautazko errekurtsioa aurkezteko alkate honi hilabeteko epean.

Azpeitian, sinadura elektronikoaren datan



EKS | CSV: ESKUfdef6e17-3422-4a20-8cb2-68c09a82e36c

Egiaztatu dokumentu honen osotasuna eta sinadura hurrengo URL edo QR kodean sartuz: <https://udal.egoitza.gipuzkoa.eus?De=01810>

Compruebe la integridad y firma de este documento, accediendo a la siguiente URL o código QR: <https://udal.egoitza.gipuzkoa.eus?De=01810>

Sinaduren laburpena / Resumen de firmas	
Titulua / Título:	2025DIRU0014-EBAZPENA/RESOLUCION (AZPEITIKO UDALA)